

靈寶領教濟度金書卷之六十九 卷八

洞微高士開光救苦真人齊金真授  
靈寶通玄弘教水南先生林靈真編

科儀立成品併用

玉清溟濛大梵甘露淨供儀

靜默堂序立

替引至斛前

灑淨 祝香

具位巨姓甚謹焚寶香虔誠供養

太上無極大道虛元自然元始天尊洞真天

寶上帝虛皇玉晨大道君洞玄靈寶上帝萬

變混元老君洞神神寶上帝玉清應化青玄

老君運明保元上帝南極真王朱陵大帝玉

清神霄長生大帝東華上相青童玉明道君

西靈金真太妙丹皇道君九天上帝三十二

天上帝二景五星北斗南辰列宿真宰三元

三官大帝泰玄樞機三省諸相真君玄中大

法師三天大法師靈寶玄一三真人太極沖

應真人十方無極飛天神王長生大聖无量

度人君諸天丞相南昌上宮度人不死尊神

南極長生大君南上司令司錄延壽益算度

厄尊神迴骸起死監生大神好生韓君丈人

靈寶仙曹玄局真宰玉清溟濛大梵靈官五

嶽四瀆地水職司名山大川無鞅聖眾本靖

諸省府院司官吏三界符使四直功曹五道

大神九州社本城隍里域主執威靈仗此寶

香普同供養仰冀真慈俯垂省錄巨闡虛皇

啓運昭回三洞之仁風靈寶垂光浩蕩八紘

之化雨投死魂於北壤鍊生魄於南宮魏巍

妙道以難明赫赫神功而莫測金符煥耀三

極長春玉籙鋪張九幽不夜大矣皈依之主

妙哉生育之師凡伸造請之勤必沐陶鎔之

澤伏念日切恩領教契玄學真九室珠聯絳

絲映離離之妙三宮璧合金光耀龍虎之精

離動靜以息化機契生成而回祖杰敢守空

山以冒清微之王律合度無間以奉玄元之

金科式昭覆載之无私庸體乾坤之有造以

今齋主其望紫宸而稽首瞻碧落以傾心依

依慧日之流輝恩周萬宇切切慈雲之廣蔭

澤遍三途願祈折扣之忱俯賜鑒觀之造傾

光寥廓五色之玄座空浮駐景虛玄十極之

丹輿混合恍若始青之會昭然寶黍之垂梵

炁彌羅靈光鬱勃甘露化三天之雲饌周遍

十方神輝開九地之陽春超離五苦珍羞顯

設妙饌宏陳如細雨霽霧而來咸令飽滿皆

飛空步虛而去悉獲逍遙頓趨衆妙之門盡

稟无為之化幽途快樂苦海光明邊微巨闡

度之誠副萬類皈依之望巨不勝祈恩伺命

之至恭望

天慈容垂報應

度人無量天尊 三聲

衆誦大行梵炁

大行梵炁 周迴十方 中有度人 不死之神

中有南極 長生之君 中有度世 司馬大神

中有好生 韓君丈人 中有南上 司令司錄

延壽益算 度厄尊神 迴骸起死 無量度人

今日校錄 諸天臨軒

焚梵炁符

大聖元始天尊 向乾方

至心奏請玉清聖境元始天尊妙无上帝願

賜慈悲之澤廣垂感應之恩普放神光  
 降流真炁灌注玉清溟滓大梵甘露淨  
 供之中攝化无窮神變莫測瓊漿寶飯  
 異果奇花非色非香非空非假祥雲寶  
 霧甘露霏烟應念无周隨感飽滿俾今  
 六道幽靈受食等衆形神俱妙定慧雙  
 圓大聖大慈清微天寶君无上尊

焚清微天符

元始洞空无 三炁精上門 紫翮煥太空  
 四明植靈根 妙化發東瓊 三便啓西崑  
 皓映九玄清 五華帶錦雲 離羅煥神燈  
 七星耀北元 飄飄上清籤 翼翼帝一尊  
 落落高上章 羽章何紛紛 流香本元色  
 洞入萬仙羣 左迴三流劫 右轉九天關  
 金華纓玉童 八風舞空輪 四時無停機  
 青白早明分 九九改劫運 三三度一春  
 天地有終會 否激歸在翻 洞明正一法  
 嚴校六天文 太平返空無 奉迎後聖君  
 大聖靈寶天尊 向良方  
 至心奏請上清真境靈寶天尊妙有上帝願

賜慈悲之澤廣垂感應之恩普放神光  
 降流真炁灌注玉清溟滓大梵甘露淨  
 供之中攝化无窮神變莫測瓊漿寶飯  
 異果奇花非色非香非空非假祥雲寶  
 霧甘露霏烟應念无周隨感飽滿俾今  
 六道幽靈受食等衆形神俱妙定慧雙  
 圓大聖大慈禹餘靈寶君无上尊

焚禹餘天符

靈風起西門 錦雲生東瓊 三炁煥玉洲  
 流香乘烟輕 五華披風散 倏忽朗九清  
 霧林耀朱日 黃華逐月生 中有採芝童  
 衣羽帶飛青 颺景萬嶺峯 逍遙宴綠軒  
 總御九空輪 運關无稽程 左命三天文  
 右攝六天兵 檢炁返空洞 天度應運傾  
 劫運自有會 誰測敗與成 洪波淪雲綱  
 六合无遺形 白尸飄長流 孤魂因復靈  
 悲此去來際 方覺正法明 至學加精修  
 東華結瓊名 欣有白簡人 相與樂太平  
 大聖道德天尊 向離方  
 至心奏請太清仙境道德天尊至真大帝願

賜慈悲之澤廣垂感應之恩普放神光  
 降流真炁灌注玉清溟滓大梵甘露淨  
 供之中攝化无窮神變莫測瓊漿寶飯  
 異果奇花非色非香非空非假祥雲寶  
 霧甘露霏烟應念无周隨感飽滿俾今  
 六道幽靈受食等衆形神俱妙定慧雙  
 圓大聖大慈太赤神寶君无上尊

焚太赤天符

洞關運天綱 五炁轉三微 紫戶吐瓊簡  
 玉閣照靈珠 重樓耀精彩 金門納神輝  
 八會交真風 晃朗重明開 天際九清外  
 落落高神回 三色返空无 四候應王畿  
 河侯已鼓筆 五行潛相推 六度无終劫  
 運炁乘炁歸 萬魔羅天布 群雄競吐輝  
 兆人負炎充 積尸令人悲 妙哉正法文  
 覆劫明不衰 至時相奉迎 契在九天扉  
 與爾期太平 放身無翼飛  
 至心奏請東方自然八天上帝願賜慈悲之  
 澤廣垂感應之恩普放神光降流真炁  
 灌注玉清溟滓大梵甘露淨供之中攝

化无窮神變莫測瓊漿寶飯異果奇花  
非色非香非空非假祥雲寶霧甘露霏  
烟應念充周隨感飽滿俾今六道幽靈  
受食等衆形神俱妙定慧雙圓大聖大  
慈青靈九炁君无上尊

焚東方八天符

森麻連華關 神尊帝一真 靈虛交日月  
玄覺照冥津 玉關回運數 梵炁啓都明  
魔騰揚洞唱 天君秉化輪 金華領仙籙  
鬱鬱龍山宮 寶秀煥真境 寔戲高上壙  
霏煙散妙霽 陶精養我形 飛天觀劫會  
讚詠元始文 太極建青箬 晨輝布發生  
奕耀應穹觀 熙怡存玉嬰 皇育旋景輿  
升度七祖魂 彌梵飛流網 周維天地根  
祥霞翳宵仍 紫館真人君 軒奕青玄府  
滅試推凶奸 道應混高元 神結泥丸精  
靈丘三素雲 羅耀交琳峯 七九齊至用  
三五合同功 併協沖和德 變鍊超仙踪  
至心奏請南方自然八天上帝願賜慈悲之  
澤廣垂感應之恩普救神光降流真炁

灌注玉清溟滓大梵甘露淨供之中攝  
化無窮神變莫測瓊漿寶飯異果奇花  
非色非香非空非假祥雲寶霧甘露霏  
烟應念充周隨感飽滿俾今六道幽靈  
受食等衆形神俱妙定慧雙圓大聖大  
慈丹靈三炁君无上尊

焚南方八天符

和陽煥明奕 炎輝玉鍊顏 靈梵隱玄關  
空朗照神功 九華破幽錄 四極延生津  
黃房神景居 綿綿保長存 窈窕騰月妃  
萬界超劫輪 混洞翳玉書 龍漢明耀精  
神文攝六天 察制袂魔群 邪試莫干我  
列名標上清 超度五苦難 逍遙玄仍奉  
飛神開大運 明觀九雲重 南上鍊我魂  
旋蓋遊寰林 汎靄纏虛網 十轉迴天關  
大魔咸來賓 八景朝紫微 龍淵注東井  
黃華養成真 大羅无色光 寂度無窮人  
朱陵協玉炁 太和合福堂 玄臺映鬱蕭  
誦洞遵西靈 神功布元範 反嬰齊自然  
至心奏請西方自然八天上帝願賜慈悲之

澤廣垂感應之恩普救神光降流真炁  
灌注玉清溟滓大梵甘露淨供之中攝  
化无窮神變莫測瓊漿寶飯異果奇花  
非色非香非空非假祥雲寶霧甘露霏  
煙應念充周隨感飽滿俾今六道幽靈  
受食等衆形神俱妙定慧雙圓大聖大  
慈皓靈七炁君无上尊

焚西方八天符

洞陽映宵關 交度好生君 靈童大鍊功  
福館涉生津 太漠明道彰 真人翔景雲  
高。清布元化 蕩穢除氛氛 接我琅碧章  
升入微妙門 揚輝浩極家 洞耀九玄精  
造化回幽闕 杳渺固靈根 景星連鬱秀  
檢技超仙魂 蕭仍白元子 同携列帝賓  
始皇天中王 寂寂虛无處 玉展張大範  
流慶淋我塵 宵樓演洞唱 收魔東鬼形  
三元分祖化 九度悉宣陳 阿丘馳素駢  
那耶契所緣 彌羅大聖神 更生升福庭  
逸化乘雲歸 削死永合歡 瓊府觀我境  
森扶靄華壽 雲芽抱三暉 享此德遐年

5-51

至心奏請北方自然八天上帝願賜慈悲之

澤廣垂感應之恩普放神光降流真炁

灌注玉清溟滓大梵甘露淨供之中攝

化无窮神變莫測瓊漿寶飯異果奇花

非色非香非空非假祥雲寶露甘露霏

煙應念充周隨感飽滿俾令六道幽靈

受食等眾形神俱妙定慧雙圓大聖大

慈玄靈五炁君无上尊

焚北方八天符

開化无上神 霄度凝玄炁 陽華真一精

太和育妙惠 九靈鎮西崑 機化停樞會

鳳車升羽輪 越此大劫津 雲阿擁圓浩

育生天神君 受符羽林宮 謁秀虛霞襟

空霄飛玄章 接舉身超騰 天統攝八難

開濟九幽魂 蘭宮連紫微 按格升朱陵

南宮有妙童 琅耀鍊我形 蒼霞浮綠華

併慶供高尊 靈風飄泛響 可保无窮齡

九仙頌運錄 釋散宿業根 流網抗靈梵

麻連販无名 大汛百骸死 徊烟合紫雲

慶重七葉條 禍塞三途源 解滯離塵網

齊禮道達賓 倏忽登龍臺 稽首玉帝前

梵炁彌羅天尊

侍職捧水玉圓統繞斛筵

眾誦靈書三十二遍

焚玉宇真文

自然甘露天尊

焚三炁符

功德金色光 暉暉開闡幽 華池流真香

蓮蓋隨雲浮 千靈沖元和 常居十二樓

急宣靈寶旨 自在天堂遊 三遍

清涼甘露天尊

焚甘露符

泠泠甘露滋 法味難思議 霧香流七真

冥冥何生疑 受此法食者 生天登紫微

三遍

變化无盡天尊

焚變食符

鄴都夜壑 忽以光輝 照燭幽魂 來飴香糜

靈符火鍊 百骸自飛 得見法會 仙岐知歸

三遍

萬劫難遇 功德可崇 開闢幽趣 全假真風

梯航彼岸 濟惠无窮 念念生因 駕紫飛空

三遍

玉清金闕 上元天一 化生靈泉 甘露金液

七真珍果 妙絕芳馨 玄通上食 廣滿元量

上靈鈴變 神仙鈴變二十一遍

酥醮林味天尊

高功依經言行太極心法

靈寶建齋度沈魂於不夜元尊闡化施法食

於无方仰荷慈悲曲垂應感霏煙羅絡宛如

六甲之行厨道悉彌綸鬱若諸天之妙饌宜

敷惠澤均齊幽冥爰念六洞羅鄴九幽泉曲

鐵圍萬仞銅網千重求生路以無由企陽光

而永隔視諸孤滯猶可哀矜欲望廣運慈仁

特為勅破俾令苦趣均入法筵彰大德之好

生昭同仁之一視玉符宣告冥曹敬承

焚破地獄符

茫茫鄴都中 重重金剛山 靈寶無量光

洞照炎池煩 七祖諸幽魂 身隨香雲縉

定慧青蓮花 上生神永安

(02) A A 5-5

時刻昇遷天尊

上清靈寶玄壇炷香關啟其靖追攝總局諸  
府院司真靈官吏攝召所係五嶽四瀆地水  
職司九州社令十道主者善導官更本州本  
縣城隍主者當境土地里域真官掌管六道  
四生提攝三途九壘隨我神運來詣法筵毋  
或稽違有妨開度一如  
靈寶度人律令

八門開度天尊

焚召六道符

準上帝勅掌六道功曹仰承符命攝召三界  
十方盡玄虛際一切六道之衆來臨法會施  
鍊往生

八門開度天尊

焚召四生符

準上帝勅掌四生使者仰承符命攝召三界  
十方盡玄虛際一切四生之衆來臨法會施  
鍊往生

八門開度天尊

焚召九州孤魂符

準上帝勅掌九州社令功曹仰承符命攝召  
九州界分一切孤魂有主无主傷亡之衆來  
臨法會施鍊往生

八門開度天尊

焚召山林巖洞孤魂符

準上帝勅掌山林巖洞使者仰承符命攝召  
山林巖洞一切孤魂有主無主傷亡之衆來  
臨法會施鍊往生

八門開度天尊

焚召溪港澗源孤魂符

準上帝勅掌溪港澗源使者仰承符命攝召  
溪港澗源一切孤魂有主無主傷亡之衆來  
臨法會施鍊往生

八門開度天尊

焚召城隍鄉界里域一切孤魂符

準上帝勅掌城隍鄉界里域使者仰承符命攝  
召城隍鄉界里域一切孤魂有主無主傷亡  
之衆來臨法會施鍊往生

八門開度天尊

焚召二十四類傷亡符

準上帝勅靈寶如意萬司諸大神仰承符命  
攝召十方九野二十四類傷亡之衆來臨法  
會施鍊往生

八門開度天尊

焚召三十六種傷亡符

準上帝勅九天溥度院三十六將軍八大神  
將仰承符命攝召十方九野三十六種傷亡  
之衆來臨法會施鍊往生

八門開度天尊

焚召七類死魂符

準上帝勅北魁玄範府七司倒生玉女仰承  
符命攝召十方九野七類死魂之衆來臨法  
會施鍊往生

八門開度天尊

我稟上帝符勅 召汝速至壇前

追攝四生鬼識 六道无主幽魂

九州社令荒閑 不問溪澗泉源

水火刀兵橫逆 雷伐產死天傷

自死風癆氣疾 一切幽滯窮魂

準令輒來序立 伺候九地臨軒

水火陶形鍊質 速去速往速來  
不許稽違阻逆 敢有違上帝令  
盡降所受仙職 汝形永墮幽陰  
靈寶玄壇紀律 如告命施行

八門開度天尊

宣催召牒開闢

當職道士持幡門外召魂如儀

慈悲接引天尊

持幡詣法座前

幽魂及苦爽 死魄與陰靈 遊蕩幽冥域  
喪失天地根 我以元始炁 反復汝胎嬰  
聚魂鍊尸魄 鍊陽去九陰 元始召魂章  
輪運南北辰 陶鑄坎離間 顛倒結胚暉  
勿滯愛河浪 流浪生死門 隨我元始炁  
斷絕苦迷津 悟理玄元道 離合自成真  
出入無為地 常居天地春 迷形九天關  
不墮於苦輪 來赴玄壇鍊 隨章心自明  
我聞混沌剖判精粹運行天地人雖分三極  
之殊精氣神寶貫一元之妙惟人為貴受中  
以生出育入玄二氣周流於性命迴黃抱紫

三宮混合於希夷渴咽雲泉飢餐霞藥其生  
也逍遙於壽域其化也快樂於玄根何有輪  
迴憂憂沉滯自美龍之日汨致英華之風瀛  
五賊紛紜步步罪緣之積六情浩蕩心心寬  
業之修地戶洞開天年易盡過輕則暫淪塵

境懣深則永墮異途故有六趣之飄流與夫  
三途之沒溺雖回心而自悔奈無路以求生  
深可哀矜執為拯援幸玄雲之陸設際甘露  
之門開玉物遐頒泉曲化陽明之境金符告  
下奪靈離幽暗之鄉俱會道場普膺功德然  
念久淪冥曠易失真正或死後形體之未完  
或生前疾病之未治或懷冤對或抱寢驚或  
未復於人身或尚沉於異類非絲救拔難以  
超升我以風稟真元心存濟度不忍一物之  
失所有孤上帝之好生依玉訣以運神仗玄  
曹而贊化其有久縈地獄枷鎖未除繫索未  
解身形弗全衣服不備咽喉枯槁之衆請火  
鈴大神玄靈大神羯磨大神理之其有兵戈  
戰鬪軍陣傷亡五體百骸不完之衆請青帝  
護魂君白帝侍魄君赤帝養炁君黑帝通血

君黃帝中主君理之其有疾病喪身痛毒難  
任盲聾瘖癩癱瘓癱瘓曲癆痲瘋癩未痊愈  
之衆請上清天醫院一行官吏理之其有胎  
產殞命于母未分形神痛苦腥穢莫近之衆  
請九天監生司浣灌司一行官吏理之其有  
雷電震驚驚覆舟墜馬魄魄飛揚精神怖畏之  
衆請聚魂復魄靈官理之其有畜生業道四  
生異類人身既失受苦未盡之衆請九天溥  
度院官吏脫形離苦靈官理之其有冤仇互  
對展轉報復無有窮已之衆請解冤釋結靈  
官理之其有自失正途樂從邪道故生迷戀  
罔知解脫之衆請能談善說靈官理之俾自  
地獄來者苦具脫除形神完復受畜生相者  
改易形貌還復人身兵陣死亡者肢體成全  
疾病天喪者痛苦痊癒胎損而子母未分者  
速獲分娩姪傷而腥穢莫近者即得清淨魂  
魄震驚者永離怖畏冤仇對者各遂解釋  
違正道而從邪黨者皆改易心志皈向法門  
庶伴見前眾靈一時復形無有中傷體太上  
化育之仁翊大造生成之德靈寶符命謹用

11011A A 15-2

頌宣

焚全形一宗符命

東方紅杏育蒼英 南方機騰養炎精  
西方摩真司瑞澤 北方墨黑度玄津  
中央靈寶玄元始 五炁旋虛妙入神

癱瘓跛病蒙伸曲 耳目無聰返慧明

自害自刑俱復體 墮胎傷折得回魂

中毒大亡皆強體 雷噴暗惑得全靈

青帝護魂肝木旺 赤帝養炁心火亨

白帝侍魄生成肺 黑帝通血腎玄清

黃帝中主脾土安 梵炁彌羅自合真

起死迴骸鍊離坎 白骨成人萬杳明

濟度垂死無生滅 九和十合結胎嬰

五老運靈監受度 道遙變化宴上清

全形復性天尊

幻形易滅心病難除地水火風假合而生身  
易歸散壞飢渴寒暑纏縈之妄想難證逍遙  
今補剽而息黠復生魂而育魄圓成相貌整  
頓容儀猶恐幽陰久淪神炁未備謹為攝降  
玉清混元腎水少陰之炁心火少陽之炁肝

木厥陰之炁肺金太陰之炁膀胱太陽之炁  
小腸太陽之炁膽腑少陽之炁大腸陽明之  
炁胃腑陽明之炁三焦少陽之炁胞絡厥陰  
之炁普為眾靈羅絡藏府扶植神靈仙化成  
人享食受鍊

焚十二經絡符

十六

陽明景精 陰實陽形 內結外續 无補神疑

五迴七轉 流運黃庭 九九華敷 經絡纏身

三景九陽 混合百神 流攝九宮 八卦分形

元始混化 敷具形神

回靈養素天尊

形神俱妙故道炁以長存內外兼融無惡根  
而永滅合蕩黃華之水更聽綠字之章永保  
清虛克諧飛化魂儀如在共赴蘭湯法聚運  
誠慈悲引導

清水度魂天尊

引攝入浴室行沐浴儀

金容出世天尊

引攝詣道前行朝禮儀

寶幢接引天尊

引攝詣斛前捧花瓶中

安業自招久沈淪於異趣宸恩廣被幸莅止  
於玄壇將享珍羞咸超苦惱允屬宿緣之慶  
會宜知齋主之勤奉本司昨據入意剋卜今  
宵敷陳淨供依三尊之妙化極六道之沉迷

降甘露而布慈雲頓令飽滿上南宮而起北

府永獲逍遙以茲及物之仁少補奉先之孝

觀回善果開度亡靈知恩報恩盍降欣欣之

多福上德不德永依蕩蕩之天光善來善來

普款淨供洞章讚誄靈液沾濡法眾慈愍旋

行引導

清涼甘露天尊

引攝邊斛三市倚斛前

自此後道眾執水盃旋遠沾灑

功德金色光 暉暉開闔幽 華池流真香

蓮蓋隨雲浮 千靈沖元和 常居十二樓

急宣靈寶旨 自在天堂遊 三遍

焚通真符

悲夫長夜苦 熱惱三途中 猛火出咽喉

常生飢渴念 一灑甘露漿 除熱得清涼

神魂生大羅 潤及於一切 三遍

焚開咽喉符

泠泠甘露滋 法味難思議 竊香流七真  
冥冥何生疑 受此法食者 生天登紫微

焚甘露受食符

自然天厨食 吾今與加持 一粒遍十方  
河沙共沉迷 飢渴永消滅 食之赴瑤池  
今將獻亡靈 功德不思議 三遍

焚離苦升天符

清涼甘露天尊

水火聚散路 神炁往來衢 焰焰焦槁盡  
臟胃五方枯 玉液回律源 玄漿通潤舒  
真香流百脉 逍遙常自如

焚玉清秘梵開臟腑法食符

瀏瀏農翁泉 泛泛玉源杰 施運庭苑中  
幽香徹天地 玉女灌真香 仙厨捧祥瑞  
食之億萬年 體力悉殊異

焚玉清靈梵清涼法食符

召集玄元氣 濃噴流乳香 黃華洞霄珍

潤液多滋涼 桂蒲雜靈根 冉冉通肺腸  
百神善歌舞 來遊无何鄉

焚玉清玉梵甘露法食符

吳寶出靈芳 浮玉瑩清光 泛奇萬靈氣  
廣滿克難量 神清得超度 當游妙化堂

元周扣玄機 永享春劫長

焚玉清大梵恩重法食符

寶梵演通妙 開闢溢九幽 慶化精珍珍  
瑞色常浮浮 殮殮法炁盈 深羽翠霞樓  
浣濁積劫穢 穩步朱官遊

焚玉清寶梵玉函法食符

長關天色光 熠熠映寶器 玄通无上食  
靈寶无上味 高真所薄施 法音靡不至  
快樂復飽滿 浮遊三界外

焚玉清真梵通玄法食符

清涼甘露天尊

妙道生一杰 炁中分陰陽 凝化日月星  
燦然流三光 九華合九道 八色映八方  
煥爛洞真體 流精飯大芒 下生淵泉宮  
上徹无何鄉 縱體復飛跡 歛然都相忘

七寶流精結 混沌雜華房 嚙服九霞散  
此樂殊未央

焚三光流精鍊化法食符

玄絕九炁中 澤嬰觀太無 鬱儀煥賜谷  
結璘耀天衢 五星流寶光 斗極迴乾樞

飛炁鬱勃散 咽御方踟躕 超跡天寶階  
鍊芝服華敷 炁布萬神備 舉體升太虛

焚三光澤嬰鍊化法食符

浩精生法炁 氤氳凝天中 兩曜共澄徹  
五緯交相通 三光煥已明 寶炁盈三宮

帝鄉會九老 咽服百骸豐 金華照光景  
身與日月同 念道上聖前 萬劫壽无窮

焚三光法炁鍊化法食符

玉陽正真炁 妙道三景分 玄和唱靈音  
八會敷瓊文 五老宴丹臺 飄飄乘景雲

大聖諸天衆 回駕飲玉津 三五定生籍  
遊戲太上賓 華光朗無際 携手朝玉晨

焚三光玉陽鍊化法食符

回首仰圓羅 合景挹靈芒 拘魂制七魄  
思審定中央 行住禮虛無 寢息宴雲房

11221A A 15-1-3



飢餓黃蘗花 渴飲瓊根漿 精神命大魔  
合體鍊真光 復照觀太无 長在空中遊  
玄通派波際 真化靡終期 縹緲無終始  
賢者當明知 寂寥玄理教 應運闡宏規  
降道不自照 要當先所施 會歸無二處  
隨心自合離

焚三光雲芒鍊化法食符

引炁鬱羅外 九芒結雲華 七展高上道  
三景耀朱霞 捧香服晨精 功滿解世羅  
鍊化塵劫盡 億劫不為多 落籍三界庭  
結友太上家 御景拱玄斗 八極何足賒

焚三光雲華鍊化法食符

自然至真道 妙極玄中玄 萬天朝玉陛  
五老叅華軒 三光有靈炁 所度惟聖賢  
勤行道仙業 咽漱吞華根 神形合三象  
渺渺歸本根 鳳鳥翔十天 飛舉不顧還

焚三光導仙鍊化法食符

迢迢三天上 落落九玄臺 金童採芝集  
玉女持花回 天賓挹仙容 俯仰升瑤階  
天河灌東井 寶炁營空來 嚙納漱瓊津

此劫不復衰 矯首三清路 振衣何樂哉

焚三光寶炁鍊化法食符

至矣上真道 妙哉靈寶章 吸景導五星  
咽漱存華芒 流精灌百體 皓晶凝雪霜  
洞達照內外 塵滓都消亡 體肌不復老  
契此名定光 永安大明館 斯為不夜鄉  
躡跡歸本根 九轉凝真常

焚三光定光鍊化法食符

酥醮抹味天尊  
誦中篇三遍

焚玉光真文光明雲篆

大慈平等天尊

洞章朗徹妙饌羅敷解三途熱惱之悲極五  
體充悅之樂萬緣澄寂九竅光華悟道無為  
登真之路然慮久淪幽夜乍脫陰關業垢交  
周塵根結習陽神猶散性識未明非絲離坎  
之陶鎔難越乾坤之劫會玉消勅下玄曹敬  
承宜隱爇城恭伺鍊度

廣度元礙天尊

引籙入交郭

後入甘露淨供壇前鋪水火池儀

靈寶領教齊度金書卷之六十九